

Hè fattu di lume un paisanu  
Quandu in celu u sole si move  
Quandu spunta u ghjornu luntanu  
Hè fattu di lume un paisanu.  
Quandu spunta u ghjornu luntanu  
Hè fattu di lume un paisanu.

Hè fattu di pena un paisanu  
Quandu u solcu li nasce in fronte  
Quand'ella si scaglia a so manu  
Hè fattu di pena un paisanu.  
Quand'ella si scaglia a so manu  
Hè fattu di pena un paisanu.

Hè fattu di gioia un paisanu  
Quandu a pianta nasce più bella  
Quandu l'alburoni si spannanu  
Hè fattu di gioia un paisanu.  
Quandu l'alburoni si spannanu  
Hè fattu di gioia un paisanu

Hè fattu di stintu un paisanu  
Quandu a terra si face dura  
Quandu u tempu si face stranu  
Hè fattu di stintu un paisanu.  
Quandu u tempu si face stranu  
Hè fattu di stintu un paisanu.

Hè fattu di sangue un paisanu  
Quandu a rimigna stranera  
Li porta lu focu è lu dannu  
Face corre u sangue un paisanu.  
Li porta lu focu è lu dannu  
Face corre u sangue un paisanu.